

**USVOJENI DNEVNI RED 3. TEMATSKE SJEDNICE GRADSKOG VIJEĆA TUZLA,
ODRŽANE 10.6.2026. GODINE (broj 01/04-A-7874-2026)**

1. Razmatranje Informacije o mogućnostima i tehničkim pretpostavkama za proširenje zona toplifikacije daljinskog sistema grijanja grada Tuzla

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADSKO VIJEĆE



Broj: 01/04-A-7874-2026
Tuzla, 10.6.2026. godine

GRAD TUZLA

- Gradonačelnik Grada Tuzle dr.sc. Zijad Lugavić
- Sekretar organa državne službe
- Stručna služba Gradskog vijeća
- Služba za komunalne poslove, izgradnju i poslove mjesnih zajednica

JP CENTRALNO GRIJANJE DD TUZLA
JP ELEKTROPRIVREDA BIH D.D. SARAJEVO

PREDMET: Obavijest

Na trećoj tematskoj sjednici Gradskog vijeća Tuzla, održanoj 10.6.2026. godine, pod tačkom **1.** Razmatranje Informacije o mogućnostima i tehničkim pretpostavkama za proširenje zona toplifikacije daljinskog sistema grijanja grada Tuzla, usvojeni su sljedeći

ZAKLJUČCI

1. Gradsko vijeće Tuzla traži da se vijećnicima Gradskog vijeća dostavi projekcija priključaka objekata na sistem daljinskog grijanja za period u narednih 5 godina (novi objekti u gradu Tuzli, priključenje MZ Bukinje, MZ Šićki Brod, MZ Brčanska Malta, MZ Solina i drugi).
2. Gradsko vijeće Tuzla traži da se u proračunu ili rebalansu proračuna Grada Tuzla i/ili JP Centralno grijanje d.d. Tuzla osiguraju sredstva za okončanje projekta iz 2015. godine za toplifikaciju naselja Divkovići, krak C, u MZ Bukinje.
3. Gradsko vijeće Tuzla traži da se u proračunu ili rebalansu proračuna, bilo Grada Tuzla ili JP Centralno grijanje d.d. Tuzla, osiguraju sredstva za okončanje svih nerealiziranih projekata prethodnog perioda, a prije bilo kojih novih projekata, koji trebaju opravdano uslijediti.
4. Gradsko vijeće Tuzla konstatuje da Grad Tuzla ima jedan od najboljih, najekonomičnijih i najefikasnijih sistema daljinskog grijanja, ali da i dalje treba intenzivno raditi na proširenju zona daljinskog grijanja, iznalaženju alternativnih metoda zagrijavanja i stvaranju tehničkih i administrativnih mogućnosti za obezbjeđenje kvalitetnih i ekonomičnih načina zagrijavanja za što veći broj stambenih i privrednih subjekata, sa posebnim naglaskom na naselja koja gravitiraju području Termoelektrane Tuzla.
5. Imajući u vidu zahtjeve građana i privrednih subjekata, kao i širenje planske urbanizacije grada, Gradsko vijeće Tuzla traži da se za jednu od narednih sjednica, a najkasnije do kraja godine, pripreme prijedlozi dodatnog proširenja zona toplifikacije.

6. Gradsko vijeće traži od nadležne gradske službe i od JP Centralno grijanje d.d. Tuzla da u okviru postojećih i budućih zona toplifikacije, sačine odgovarajuću analizu i da u dijelovima zona toplifikacije, gdje ne postoji ekonomska i tehnička opravdanost dovođenja primarne i sekundarne mreže, osmisle alternativne načine rješavanja zagrijavanja objekata, npr. ugradnjom toplotnih pumpi, elektro kotlova i dr. i da ovi prijedlozi budu sastavni dio Odluke o proširenju zona toplifikacije.

7. Gradsko vijeće Tuzla predlaže nadležnim gradskim službama i UO Zavod za urbanizam da, prilikom pripreme i izrade regulacionih planova, za sve kolektivne stambene objekte, osim priključenja na sistem daljinskog grijanja, predvide i mogućnost zagrijavanja putem drugih opcija (toplotne pumpe, elektro kotlovi i sl.).

8. Gradsko vijeće Tuzla podržava sve aktivnosti Grada Tuzle vezane za sufinansiranje mjera poboljšanja energetske efikasnosti i smanjenja aerozagadenja, naročito u zonama koje nisu u obuhvatu zona toplifikacije.

9. Nalaže se Službi za komunalne poslove, izgradnju i poslove mjesnih zajednica i menadžmentu JP Centralno grijanje d.d. Tuzla da urgentno, bez odlaganja, izrade projektnu dokumentaciju, ishoduju urbanističku saglasnost i građevinsku dozvolu za toplifikaciju individualnih stambenih objekata u naselju Hudeč, MZ Bukinje.

10. Zadužuje se menadžment JP Centralno grijanje d.d. Tuzla da Gradskom vijeću Tuzla, u roku od 90 dana, dostavi okvirni desetogodišnji plan razvoja i proširenja sistema daljinskog grijanja, sa jasno definisanim:

- prioritetima po mjesnim zajednicama,
- procijenjenim rokovima realizacije,
- procijenjenim finansijskim sredstvima,
- mogućim izvorima finansiranja.

11. Gradsko vijeće Tuzla traži da se za područja u kojima trenutno ne postoje tehnički ili ekonomski uslovi za toplifikaciju (individualna naselja i rubna područja) izrade alternativni modeli energetske tranzicije, uključujući mogućnosti subvencioniranja ekološki prihvatljivih sistema grijanja.

12. Traži se od JP Centralno grijanje d.d. Tuzla da za sva naselja za koja postoji interes građana izradi preliminarnu procjenu tehničke i finansijske opravdanosti priključenja, kako bi građani imali jasnu informaciju o mogućnostima priključenja.

13. Gradsko vijeće Tuzla zadužuje gradske službe da u roku od 60 dana dostave detaljnu informaciju o svim sredstvima uplaćenim Gradu Tuzla po osnovu Zakona o izdvajanju i umjeravanju dijela prihoda preduzeća ostvarenih radom termoelektrana u posljednjih pet godina sa pregledom po godinama i pregledom utroška navedenih sredstava.

14. Gradsko vijeće Tuzla zadužuje nadležne gradske službe da sačine i dostave poseban pregled ulaganja finansijskih sredstava po Zakonu o izdvajanju i umjeravanju dijela prihoda preduzeća ostvarenih radom termoelektrana za naselja Plane, Bukinje, Šićki Brod, Mihatovići, Šići, Divkovići, Husino i Ljubače u posljednjih 5 godina.

15. Gradsko vijeće Tuzla traži od strukovnog menadžmenta JP Centralnog grijanja d.d. Tuzla informaciju o mogućnostima realizacije izgradnje energana za proizvodnju toplotne energije u naseljima gdje je proširenje centralnog grijanja ekonomski neisplativo.

16. Gradsko vijeće Tuzla traži da se, ukoliko dođe do novog rebalansa Budžeta grada Tuzle ili u Budžetu Grada Tuzle za 2027. godinu, ulice koje gravitiraju naselju Donje Brdo stave u prioritet te da se pod hitno krene sa toplifikacijom ovog naselja.

17. Gradsko vijeće Tuzla prihvata Informaciju o mogućnostima proširenja daljinskog sistema grijanja grada Tuzle i zadužuje JP Centralno grijanje d.d. Tuzla i nadležnu gradsku službu da nastave aktivnosti na rekonstrukciji magistralnog vrelovoda kao prioriternog infrastrukturnog projekta od strateškog značaja za Grad Tuzlu.

18. Zadužuje se JP Centralno grijanje d.d. Tuzla da u primjerenom roku dostavi Gradskom vijeću okvirni desetogodišnji plan razvoja i proširenja sistema daljinskog grijanja sa:
- prioritnim zonama toplifikacije,
 - procjenom potrebnih finansijskih sredstava,
 - okvirnim rokovima realizacije,
 - procjenom broja novih korisnika,
 - procjenom efekata na smanjenje zagađenja zraka.
19. Zadužuje se nadležna služba da prilikom planiranja prioriteta za proširenje sistema daljinskog grijanja, pored tehničkih i ekonomskih kriterija, posebno vrednuje:
- stepen zagađenosti zraka,
 - gustinu naseljenosti,
 - broj individualnih ložišta,
 - zdravstvene i ekološke efekte toplifikacije pojedinih naselja.
20. Zadužuje se Grad Tuzla da zajedno sa JP Centralno grijanje d.d. Tuzla i višim nivoima vlasti nastavi aktivnosti na obezbjeđenju sredstava iz federalnih, državnih i međunarodnih fondova za projekte toplifikacije, energetske efikasnosti i zaštite okoliša.
21. Zadužuje se nadležna služba da najkasnije do kraja 2026. godine pripremi posebnu informaciju o mogućnostima i dinamici toplifikacije rubnih mjesnih zajednica, uključujući Husino, Ljubače, Šićki Brod, Bukinje i druga područja u kojima je kvalitet zraka značajno ugrožen tokom grejne sezone.
22. Zadužuju se JP Centralno grijanje d.d. Tuzla i Služba za komunalne poslove, izgradnju i poslove mjesnih zajednica da izvrše analizu mogućnosti proširenja sistema daljinskog grijanja na cijelu Mjesnu zajednicu Solana te da Gradskom vijeću dostave prijedlog fazne realizacije toplifikacije navedenog područja sa procjenom potrebnih finansijskih sredstava i rokovima realizacije. Prilikom izrade navedene analize posebno je uzeti u obzir činjenicu da se Mjesna zajednica Solana nalazi u neposrednoj blizini Termoelektrane Tuzla i magistralnog vrelovoda, kao i činjenicu da se na području ove mjesne zajednice nalazi gradska deponija, zbog čega građani ovog područja godinama trpe dodatna opterećenja životne sredine te imaju opravdan interes da budu među prioritnim područjima za proširenje sistema ekološki prihvatljivog daljinskog grijanja.
23. Zadužuju se JP Centralno grijanje d.d. Tuzla i nadležne gradske službe da prilikom planiranja prioriteta za proširenje sistema daljinskog grijanja, pored tehničkih i ekonomskih kriterija, posebno vrednuju uticaj na kvalitet zraka i zaštitu zdravlja građana te da, u saradnji sa Gradskom upravom Grada Tuzla, aktivno kandiduju projekte toplifikacije prema fondovima Evropske unije, međunarodnim finansijskim institucijama, fondovima za zaštitu okoliša i drugim dostupnim izvorima finansiranja radi ubrzanja realizacije projekata proširenja toplovodne mreže.
24. Zadužuju se Gradska uprava Grada Tuzla, JP Centralno grijanje d.d. Tuzla i nadležne službe da u primjerenom roku sačine i Gradskom vijeću dostave informaciju o dugoročnoj energetskoj sigurnosti sistema daljinskog grijanja grada Tuzle, sa analizom mogućih alternativnih i rezervnih izvora toplinske energije u slučaju smanjenja kapaciteta ili prestanka rada Termoelektrane Tuzla, uključujući mogućnosti finansiranja iz fondova Evropske unije, međunarodnih finansijskih institucija i drugih dostupnih izvora sredstava.
25. Gradsko vijeće Tuzla opredjeljuje se da dugoročni cilj razvoja sistema daljinskog grijanja bude stvaranje tehničkih pretpostavki za postepeno priključenje svih urbanih i gusto naseljenih područja grada Tuzle na ekološki prihvatljiv sistem centralnog grijanja, u skladu sa finansijskim i tehničkim mogućnostima.
26. Gradsko vijeće Tuzla zadužuje Grad Tuzlu, JP Centralno grijanje d.d. Tuzla i nadležne službe da prilikom izrade budućih planova razvoja, proširenja i modernizacije sistema daljinskog grijanja razmotre i, u skladu sa tehničkim, ekonomskim, energetskim i pravnim mogućnostima, uvažavaju prijedloge, inicijative, sugestije i primjedbe iznesene tokom rasprave na 3. tematskoj sjednici Gradskog vijeća Tuzla o mogućnostima proširenja daljinskog sistema grijanja grada Tuzle, tokom koje su vijećnici otvorili niz pitanja od značaja za buduću razvoj sistema daljinskog grijanja, uključujući prioritete proširenja mreže, zaštitu zdravlja građana i kvaliteta zraka, mogućnosti korištenja fondova Evropske unije i drugih izvora finansiranja,

ravnomjernu zastupljenost svih dijelova grada u planovima toplifikacije, kao i potrebu dugoročnog planiranja alternativnih izvora toplinske energije radi očuvanja energetske sigurnosti grada.

S obzirom da se radi o pitanjima koja prevazilaze okvire pojedinačnih projekata i predstavljaju dio dugoročne razvojne politike Grada Tuzle, opravdano je da nadležni organi navedene prijedloge i sugestije razmotre prilikom izrade budućih planskih dokumenata, programa rada i investicionih planova vezanih za sistem daljinskog grijanja.

Na ovaj način Gradsko vijeće potvrđuje svoju ulogu predstavničkog organa građana, a istovremeno omogućava da rasprava provedena na tematskoj sjednici ima konkretan efekat u budućem planiranju i donošenju odluka.

27. Zadužuju se nadležne gradske službe i JP Centralno grijanje d.d. Tuzla da za MZ Batva, Ulicu Ive Andrića, kao i za MZ Solana, Ulicu Save Kovačevića i okolne ulice, sagledaju mogućnosti nastavka i proširenja toplovodne mreže, pripreme procjenu potrebnih radova, okvirnu vrijednost investicije i moguće rokove realizacije.

28. Gradsko vijeće Tuzla nalaže JP Centralno grijanje d.d. Tuzla da kao prioritet u planovima proširenja vrelvodne mreže izvrši toplifikaciju naselja i područja koja se nalaze u neposrednoj blizini Termoelektrane Tuzla, a koja decenijama trpe najveće posljedice zagađenja zraka i rada energetske postrojenja.

29. Gradsko vijeće smatra da naselja Plane, Solana, Bukinje, Husino, Kreka, Miladije, Divkovići i Hudeč moraju imati prioritet u procesu toplifikacije.

30. Gradsko vijeće Tuzla traži od JP Elektroprivreda BiH d.d. Sarajevo da dostave informaciju o tome koliko godina okvirno procjenjuju da će raditi Termoelektrana Tuzla.

S poštovanjem,

DOSTAVITI:

6 x naslovu

1 x evidencija

1 x a/a

PREDSJEDAVAJUĆA

Ana Pejić, BA prava